




Թ Ե Մ Ա Կ Ա Ն Կ Յ Ա Ն Ք

ԿՐՈՆԱԿԱՆ ԴԱՍԸՆԹԱՑՔՆԵՐ ԵՐԵՎԱՆՈՒՄ

Այսու ուրախ ենք վկայելու, որ ընթացք տալով Մայր Աթոռիս 3 նոյեմբեր 1990 թ. հաղորդագրությանը Երևանում Քրիստոնեական Քարոզչության Կենտրոնի հաստատման մասին, սույն կենտրոնը արդեն իսկ սկսել է ծավալել իր գործունեությունը: Կենտրոնի ամենահրատապ առաջադրանքներից մեկն է պատրաստել բավարար թվով ուսուցիչներ՝ միջնակարգ դրարոցներում կրոն դասավանդելու համար:

Այս նպատակով Երևանի Ս. Սարգիս եկեղեցու առաջնորդարանում ըսկըսվեցին կրոնական դասընթացներ, որին մասնակցում են միջնակարգ դարրոցների շուրջ 200 ուսուցիչ-ուսուցչուհիներ: Դասավանդություններին ալանդվում են Ս. Գիրք, Հին և Նոր Կտակարաններ, Քրիստոնեական, Հայ Եկեղեցու պատմություն, Ընդհանուր Եկեղեցու պատմություն և Ընդհանուր Աստվածաբանություն: Դասավանդում են Մայր Աթոռիս երիտասարդ վարդապետներ:

Նոյեմբերի 10-ին, շաբաթ օրը, դասընթացներին հետևող խումբը ալցելեց Վեհարան և հանդիպում ունեցավ Վեհափառ Հայրապետի հետ: Սըրտի խոսքով հանդես եկան երկու ուսանողներ:

Վերջում օրհնության խոսքով հանդես եկավ Վեհափառ Հայրապետը, ողջունելով ալդ հոգևոր ձեռնարկը: Ալնուհետև խումբը ալցելեց Մայր տաճար և ներկա եղավ Երեկոյան հոգեպարար ժամերգությանը: